

FASE INTERCOMARCAL DE CAMPO A TRAVÉS OS MENHIRES – 18 de Xaneiro de 2020

ORGANIZAN: Secretaría Xeral para o Deporte, Concello da Coruña e Federación Galega de Atletismo, coa colaboración dos Clubs **Riazor Coruña e Marineda Atlético.**

PARTICIPANTES

No campo a través poderán participar os atletas e as entidades clasificadas segundo normativa das fases previas, das comarcas de Coruña-cidade, As Mariñas e Carballo.

CATEGORÍAS

BENXAMÍN: nados nos anos 2012-2011 masculino e feminino.
ALEVÍN.....: nados nos anos 2010-2009 masculino e feminino.
INFANTIL....: nados nos anos 2008-2007 masculino e feminino.
CADETE.....: nados nos anos 2006-2005 masculino e feminino.

OBXECTIVOS XERAIS

- Fomentar unha práctica deportiva, educativa e saudable.
- Difundir os valores da competición dende unha perspectiva máis regrada.
- Facilitar a práctica nunha modalidade de gran tradición histórica en Galicia.

SISTEMA DE COMPETICIÓN

Nesta fase, as entidades clasificadas formarán os equipos seleccionando aos seus atletas, cun máximo de 6 participantes por equipo.

LUGAR E DATA

Parque de Os Menhires (A Coruña), sábado 18 de Xaneiro de 2020.

INSCRICIÓN

A inscrición dos atletas clasificados para esta Fase Intercomarcals de Campo a Través Escolar, farase **antes das 14.00 horas do martes 14 de xaneiro do 2019**, utilizando a folla que se inclúe nesta normativa, que deberán enviar por correo electrónico a deportes.coruna@xunta.es e competicion@atletismo.gal, ou tamén pódese facer a inscrición a través do sistema on-line da Federación Galega de Atletismo <https://isis.rfea.es/sirfea2/>, coas claves de Usuario e contrasinal asignadas e enviadas a cada club. No caso de non ter dita clave poden solicitala ao Servizo de Deporte ou a Federación Galega de Atletismo. Aínda así, e por cuestións prácticas, prégase o emprego da citada Plataforma, xa que facilita o manexo da información.

COMPOSICIÓN DOS EQUIPOS

Cada equipo estará formado por seis corredores/as, dos/as que puntuarán os/as catro mellor clasificados/as ou tres (só na categoría cadete). Non se poderá completar un equipo con atletas de categorías inferiores.

CLASIFICACIÓNS

Estableceranse dúas clasificacións:

- Individual: Segundo a orde de entrada na meta.
- Por equipos: A puntuación dos equipos resultará da suma dos puntos obtidos polos 4/3 atletas mellor clasificados de cada equipo, e gañará o equipo que menos puntos sume. No caso de producirse un empate entre 2 ou máis equipos, resolverase a favor do equipo no que obtivera a mellor clasificación o último dos seus corredores que puntúe. Aqueles equipos que non cheguen á meta cos 4 ou, se é o caso, 3 atletas dos que puntúan, non puntuarán como equipo.

TROFEOS e MEDALLAS

EQUIPOS.....: Entregaranse trofeos e medallas aos 3 primeiros clasificados en cada unha das categorías

INDIVIDUAIS: Entregaranse medallas aos 3 primeiros/as clasificados/as en cada unha das categorías

A entrega de trofeos e medallas terá lugar durante o desenvolvemento da competición.

FASES PROVINCIAIS DE CAMPO A TRAVÉS

Haberá 2 campionatos provinciais, o **Campionato Provincial clasificatorio para o Campionato Galego** e o **Campionato Provincial de Centros Educativos.**

Para o **Campionato Provincial clasificatorio para o Campionato Galego**, clasificaranse os 2 mellores equipos desta fase intercomarcals e os/as oito primeiros/as atletas de cada categoría, que non estiveran incluídos nos equipos clasificados,

nas fases Intercomarcais, das Zonas de Coruña, Ferrol, Noia e Santiago. En ningún caso se correrá o posto de invitado aos/ás atletas que chegaran a partir do 8º clasificado/a.

A maiores haberá un **Campionato Provincial de centros educativos**.

Os centros educativos clasificados para esta fase intercomarcal teñen que especificar, en caso de clasificarse para o Campionato Provincial (sexa a nivel individual ou por equipos), se optan por participar no Campionato Provincial clasificatorio para o Campionato Galego ou no Campionato Provincial de centros educativos. Os centros educativos que clasifiquen para a fase provincial non poden participar nos dous campionatos, teñen que facer a opción por un deles.

No caso de que os centros educativos non fagan a opción expresa a través da folla de inscrición deste Campionato Intercomarcal ou mediante correo electrónico que enviarán a deportes.coruna@xunta.es, antes das 14.00 horas do martes 14 de xaneiro de 2020, data de peche da inscrición para este Campionato Intercomarcal, entenderase que optan por participar no Campionato Provincial clasificatorio para o Campionato Galego. Non se terá en conta ningunha opción que chegue posteriormente á devandita data.

Para o Campionato Provincial de centros educativos clasificaranse os 2 mellores equipos de cada categoría de cada fase zonal (Intercomarcal), que optaron por participar neste campionato, así coma os 8 primeiros atletas de cada categoría, que non estivesen incluídos nos equipos clasificados.

HORARIO E DISTANCIAS

HORA	DISTANCIA APROX.	CATEGORIAS
10:30	770 m.	Benxamin feminino
10:40	770 m	Benxamin masculino
10:50	1150 m.	Alevín feminino
11:00	1150 m.	Alevín masculino
11:10	1900 m.	Infantil feminino
11:25	1900 m.	Infantil masculino
11:40	2550 m	Cadete feminino
11:55	2550 m.	Cadete masculino

SEGURO

Toda a documentación referente á cobertura do seguro está dispoñible no programa Xogade, na páxina web www.deporteescolargalego.com. Nesta páxina o acceso ao protocolo de actuación e á poliza do seguro é aberto.

Lembren que todo o corpo técnico, deportistas e familiares deben coñecer o protocolo de actuación do seguro de accidente deportivo.

TRANSPORTE

As entidades que veñan de fora da cidade da Coruña, no caso de necesitar transporte para participar nesta proba solicitarano, **antes das 14.00 horas do martes 14 de xaneiro de 2020**, ao Servizo Provincial de Deporte, ao correo especial de transporte: sdbus.co@hotmail.es, empregando para iso o **formulario** que se adxunta a esta normativa.

Unha vez recibida a solicitude o Servizo Provincial de Deporte outorgará o transporte, nos casos en que o estime posible dentro das limitacións da contratación, e informará á entidade solicitante.

Non se xestionará ningún transporte se a solicitude é posterior á data arriba indicada, ou se fai a petición sen empregar o formulario que se achega con esta normativa.

LUGAR E DATAS PRÓXIMAS XORNADAS

Provincial.....: 1 de febreiro/2020 na Pobra do Caramiñal

Fase Galega.....: 15 de febreiro/2020 na provincia de Pontevedra

Provincial centros educativos: 6 de marzo/2020 en Carballo

OUTRAS NORMAS

Todos os aspectos non recollidos nestas normas serán regulados pola normativa oficial da Federación Galega de Atletismo, que pode consultarse na páxina web da federación: <https://atletismo.gal>

CIRCUITO

Categoría Benxamín



Categoría Alevín



Categoría Infantil



Categoría Cadete



Os **vestiarios** estarán situados nas instalacións deportivas da Cidade Deportiva da Torre.